

Ո Ր Ո Շ ՈՒ Մ N 966/1
/վարչական տույժ նշանակելու մասին/

«5» հոկտեմբերի 2020թ.

ք. Երևան

Հայաստանի Հանրապետության պետական եկամուտների կոմիտեի Արարատյան մաքսատուն-վարչության պետ Կարեն Բաբայանս, քննելով «ԴԱԲԼՅՈՒ ԲԻ ՓԻ ԷՖ ՀԱՅԿԱԿԱՆ ՖԵԴԵՐԱՑԻԱ» ՍՊՈՐՏԱՅԻՆ հ/կ (ՀՎՀՀ՝ 02672147 քն. հասցե ք. Երևան Ամիրյան փ 3շ 13բն) նախագահ Վիկտոր Կարակաշյանի (անձը հաստ. փաստ՝ AR 0640980, քն. հասցե ք. Երևան Ֆիրդուսի փ 13տ) նկատմամբ հարուցված մաքսային կանոնների խախտման վերաբերյալ գործը,

Պ Ա Ր Զ Ե Ց Ի

«ԴԱԲԼՅՈՒ ԲԻ ՓԻ ԷՖ ՀԱՅԿԱԿԱՆ ՖԵԴԵՐԱՑԻԱ» ՍՊՈՐՏԱՅԻՆ հ/կ անվամբ թիվ 05100022/220520/0009526 տարանցման հայտարարագրով Բավրայի մաքսային կետ-բաժին անցակետով ՀՀ տարածք է ներմուծվել 253կգ ընդհանուր քաշով սննդային հավելումներ, որոնք 23.05.2020 թվականին հանձնվել է մաքսային մարմինների ժամանակավոր պահպանությանը, սակայն մինչև ժամանակավոր պահպանության ժամկետի լրանալը 253կգ ընդհանուր քաշով սննդային հավելումների վերաբերյալ մաքսային հայտարարագիրը մաքսային մարմին չի ներկայացվել:

ՀՀ ՊԵԿ Արարատյան մաքսատուն-վարչության բացթողնման բաժնի ավագ մաքսային տեսուչի կողմից 23.09.2020 թվականին «ԴԱԲԼՅՈՒ ԲԻ ՓԻ ԷՖ ՀԱՅԿԱԿԱՆ ՖԵԴԵՐԱՑԻԱ» ՍՊՈՐՏԱՅԻՆ հ/կ նախագահ Վիկտոր Կարակաշյանի նկատմամբ կազմվել է մաքսային կանոնների խախտման վերաբերյալ արձանագրություն ՀՀ մաքսային օրենսգրքի 194-րդ հոդվածի հատկանիշներով: Մաքսային կանոնների խախտման վերաբերյալ գործի քննությունը նշանակվել է 05.10.2020 թվականին ժամը 10:00-ին, ինչի մասին Վիկտոր Կարակաշյանը տեղյակ է պահվել, բնակության վայր ծանուցագիր է ուղարկվել, սակայն որևէ միջնորդություն չի հարուցվել:

ԵԱՏՄ մաքսային օրենսգրքի 101-րդ հոդվածի 1-ին մասի համաձայն՝ ապրանքների ժամանակավոր պահպանման ժամկետը հաշվարկվում է ապրանքները ժամանակավոր պահպանման հանձնելու համար ներկայացված փաստաթղթերը մաքսային մարմնի կողմից գրանցվելու օրվան հաջորդող օրվանից և կազմում է 4 ամիս՝ բացառությամբ սույն Օրենսգրքի սույն հոդվածի 2-րդ կետում և 259-րդ հոդվածում նշված դեպքերի:

Նույն օրենսգրքի 110-րդ հոդվածի 1-ին մասի համաձայն՝ միության մաքսային տարածք ներմուծվող ապրանքների մասին մաքսային հայտարարագիրը ներկայացվում է մինչև ապրանքների ժամանակավոր պահպանման ժամկետի լրանալը կամ սույն Օրենսգրքով սահմանված այլ ժամկետում:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների

մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

Նույն հոդվածի 2-րդ մասի համաձայն՝ ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 194-րդ հոդվածի համաձայն՝ սահմանված ժամկետում մաքսային մարմիններին ապրանքների և տրանսպորտային միջոցների վերաբերյալ մաքսային հայտարարագիր չներկայացնելը, ինչպես նաև մաքսային հսկողություն իրականացնելու համար ապրանքների և տրանսպորտային միջոցների վերաբերյալ անհրաժեշտ փաստաթղթերը չներկայացնելը՝ անկախ գրավոր հայտարարագիր ներկայացնելուց՝ առաջացնում է տուգանքի նշանակում՝ 50,000 դրամի չափով:

Այսպիսով, վարույթի նյութերով հիմնավորվում է, որ «ԴԱԲԼՅՈՒ ԲԻ ՓԻ ԷՖ ՀԱՅԿԱԿԱՆ ՖԵԴԵՐԱՑԻԱ» ՍՊՈՐՏԱՅԻՆ հ/կ անվամբ թիվ 05100022/220520/0009526 տարանցման հայտարարագրով Բավրայի մաքսային կետ-բաժին անցակետով ՀՀ տարածք ներմուծված և մաքսային մարմինների ժամանակավոր պահպանությանը հանձնված 253կգ ընդհանուր քաշով սննդային հավելումների համար սահմանված ժամկետում մաքսային հայտարարագիր չի ներկայացվել, ինչի արդյունքում թույլ է տվել ՀՀ մաքսային օրենսգրքի 194-րդ հոդվածով նախատեսված մաքսային կանոնների խախտում:

Ելնելով վերոգրյալից և ղեկավարվելով ՀՀ մաքսային օրենսգրքի 13-րդ բաժնով և Վարչական իրավախախտումների վերաբերյալ ՀՀ օրենսգրքի 214-րդ, 234-րդ հոդվածներով՝

Ո Ր Ո Շ Ե Ց Ի

1. ՀՀ մաքսային օրենսգրքի 194-րդ հոդվածով նախատեսված մաքսային կանոնների խախտում կատարելու համար «ԴԱԲԼՅՈՒ ԲԻ ՓԻ ԷՖ ՀԱՅԿԱԿԱՆ ՖԵԴԵՐԱՑԻԱ» ՍՊՈՐՏԱՅԻՆ հ/կ Վիկտոր Կարակաշյանին ենթարկել վարչական պատասխանատվության՝ տուգանելով **50.000** ՀՀ դրամի չափով:
2. Որոշման մասին հայտնել «ԴԱԲԼՅՈՒ ԲԻ ՓԻ ԷՖ ՀԱՅԿԱԿԱՆ ՖԵԴԵՐԱՑԻԱ» ՍՊՈՐՏԱՅԻՆ հ/կ Վիկտոր Կարակաշյանին՝ պարզաբանելով, որ այն օրենքով սահմանված երկամսյա ժամկետում կարող է բողոքարկվել վերադաս մաքսային մարմին (ք. Երևան, Մ. Խորենացի 3/7) կամ դատարան:
3. Որոշմամբ նշանակված տուգանքի վճարման հաշվեհամարն է **900005024055-ը** (**ՀՀ պետական բյուջե, կենտրոնական գանձապետարան, Արարատյան մաքսատուն-վարչություն, ԿՈԴ 27**):

ԱՐԱՐԱՏՅԱՆ ՄԱՔՍԱՏՈՒՆ-
ՎԱՐՉՈՒԹՅԱՆ ՊԵՏ



ԿԱՐԵՆ ԲԱԲԱՅԱՆ